



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LVI. Gregorii Papae I. Ad Cyprianvm Diaconvm. De Cosma multis
debitis obligato.

urn:nbn:de:hbz:466:1-15221

antea moribus, nunc etiam honore debito gubernatis, vt in nullo Rauennati ecclesiæ, quæ familiariter vestra est, pro meo merito priuilegia quibus hucusque vſa est minuatis, sed & secundum vocem propheticam, in me & in domo patris mei secundū suum meritum transferatur. Quia ergo vniuersa priuilegia, quæ sanctæ Rauennati ecclesiæ a prædecessoribus vestris indulta sunt, pro maiori satisfactione, subieci ea in scriniis venerabilibus secundum consecrationis decessorum meorum tempora, fidem nihil minus reperientes, nunc vero in Dei & in vestra est potestate, quidquid veritate cognita fieri iusseritis: quoniam ego iussionibus apostolatus domini mei parere desiderans, quamvis antiqua consuetudo obtinuit, vſque ad secundam iussionem abstinere curauit.

EPISTOLA LVI.

GREGORII PAPÆ I.

AD CYPRIANVM DIACONVM.

De Cosma multis debitibus obligato.

Gregorius Cypriano diacono.

CO S M A S ex variis periculorum necessitatibus multis se dicit debitibus obligatum, ita vt pro eis a creditoribus suis suos dicat filios detineri. Quæ res si ita est, nos omnino commouet. Quamobrem hortamur dilectionem tuam, vt quia de rebus pauperum dandis agitur, causam eius cum summa subtilitate perquiras: & si inueneris eum prædictis debitibus veraciter inuolutum, vt non sit substantia vnde possit hæc ipsa persoluere, prædictos creditores eius adeas, & propter recolligendos filios eius quanta cognoveris quantitate componas. Et quia, sicut dictum est, non habet vnde restituat, de rebus pauperum ex præsenti nostra auctoritate persolue, sciens quidquid illic te prouidente datum fuerit, patrimonii nostri pensionibus esse reputandum.